



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ՆԱՄԱԿԸ
ՔԵՆՏՐԲԵՐԻԻ ԱՐՔԵՊԻՍԿՈՊՈՍ ԵՎ ՀԱՄԱՅՆ ԱՆԳԼԻԱՅԻ
ԵՊԻՍԿՈՊՈՍԱՊԵՏ ԵՎ ՄԻՏՐՈՊՈԼԻՏ ԴՈԿՏ. ՄԱՅՔԼ ՌԵՄՋԻՆ
ԱՆԳԼԻԿԱՆ ԵԿԵՂԵՑՈՒՄ ԱՊՐԻԼՅԱՆ ԵՂԵՌՆԻ
ՀԻՍՆԱՄՅԱԿԸ ՆՇԵԼՈՒ ԱՌԹԻՎ

ՔԵՆՏՐԲԵՐԻԻ ԱՐՔԵՊԻՍԿՈՊՈՍ ԳԵՐԱՇՆՈՐՀ ԴՈԿՏ. ՄԱՅՔԼ ՌԵՄՋԻՆ

ԼՈՆ ԴՈՆ

Խոր հուշումով և շնորհակալությամբ ժամանակին ստացել ենք Ձերդ Գերաշնորհության 1 նոյեմբեր 1964 թվակիր գրությունը, ինչպես նաև 23 ապրիլ 1965 թվակիր Ձեր հեռագիրը, որով հայտնում եք, որ Անգլիկան Եկեղեցին այս տարի ապրիլի 24-ին կմիանա իր աղոթքներով մեր Եկեղեցուն, հիսուն տարի առաջ Արևմտյան Հայաստանի մեր անմեղ ժողովրդի բնաջնջման տարեկիցի նշման առթիվ:

Բազմադարյան Հայ Եկեղեցին, ինչպես նաև անձամբ Մենք և համայն հայ հավատացյալ ժողովուրդը, խորապես մխիթարված ենք Ձեր այս բարի զգացումների համար:

Ձերդ Գերաշնորհության և Ձեր Եկեղեցու աղոթքները մեր ժողովրդի շուրջ երկու միլիոն նահատակների հոգիների խաղաղության համար, քրիստոնեական սիրո և եղբայրության պատմական մի վկայություն են հանդիսանում դեպի Հայ Եկեղեցին և հայ ազգը:

Վստահ եղեք, թե այս վկայությունը կարձանագրվի ոչ միայն պատմության, այլ նաև Մեր և մեր ամբողջ ժողովրդի սրտերի մեջ, փոխանցելով այն նաև հետագա սերունդներին:

Ս. Էջմիածնի բազմադարյան սեղանների առաջ, մնում ենք միշտ աղոթող համայն աշխարհի խաղաղության համար, որպեսզի այլևս ոչ մեկ տեղ մեր երկրագնդի վրա չկրկնվեն ցեղասպանության արհավիրքները և մարդկային ողբերգությունները: Խաղաղություն և բարօրություն նաև Ձեր մեծ Եկեղեցուն և համայն Ձեր հավատացյալ ժողովրդին:

Ջաջառողջության մաղթանքներով և եղբայրական սիրով ի Ջրիստոս՝

4 մայիսի 1965 թ.

Ս. Էջմիածին

ՎԱՋԳԵՆ Ա

ԾԱՅՐԱԳՈՒՅՆ ՊԱՏՐԻԱՐԽ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ամենայն Հայոց Վեհափառ Հայրապետը նույն առթիվ և նման բովանդակությամբ նամակներ ուղարկեց նաև Հռոմեական Կաթոլիկ Եկեղեցու Զահանայապետ Նորին Սրբություն Ս. Տ. ՊԱՎԴՈՍ Զ Պապին (Հռոմ), Մոսկվայի և Համայն Ռուսաստանի Պատրիարք Նորին Սրբություն ԱԼԵՔՍԻՆ (Մոսկվա):